

Saopćenje za javnost

Za objavu odmah

EFSE i ProCredit Bank potpisuju Ugovor o zajmu u iznosu od 2,5 miliona eura za podršku malim preduzećima u Bosni i Hercegovini

Luxembourg i Sarajevo, 20 decembar 2012 – Evropski fond za Jugoistočnu Evropu (EFSE, Fond) – kojeg je osnovao KfW (Njemačka razvojna banka) uz finansijsku podršku Njemačkog saveznog ministarstva za ekonomsku saradnju i razvoj (BMZ) i Evropske komisije – daje ProCredit Bank Bosna i Hercegovina (PCB BiH, Banka) zajam u iznosu od 2,5 miliona eura usmjeren prvenstveno na pružanje finansijske podrške lokalnim, veoma malim i malim preduzećima.

EFSE-ov kreditni instrument će dodatno ojačati PCB BiH finansijske kapacitete i omogućiti kontinuiran pristup kreditnim sredstvima veoma malim i malim preduzećima. U vrijeme krize u Eurozoni i nakon globalne finansijske krize, investicija EFSE-a, osigurava prijeko potrebna finansijska sredstva kako bi se pomoglo Banci pri njenim naporima da osigura podršku najteže pogođenom sektoru malih preduzeća u Bosni i Hercegovini.

PCB BiH je razvoju orijentirana banka koja pruža kompletne bankarske usluge, a čija ključna poslovna djelatnost je usmjerena na osiguranje zajmova i drugih bankarskih usluga veoma malim, malim i srednjim preduzećima. Banka je uvjerena da upravo ova preduzeća stvaraju radna mjesta i daju ključni doprinos privredama u kojima posluju. U proteklih 10 godina, Banka je isplatila blizu 64.890 zajmova veoma malim, malim i srednjim preduzećima u ukupnom iznosu od preko 427 miliona eura.

“Izuzetno nam je drago što obnavljamo podršku ProCredit Bank Bosne i Hercegovine, našem dugogodišnjem i provjerenom partneru. Banka je ostvarila odlične rezultate i pokazala odlučnost za finansiranje veoma malih i malih preduzeća na odgovoran način,” kazala je Monika Beck, predsjedavajuća EFSE-a. *“Putem podrške ProCredit Bank, EFSE pruža podršku ekonomskom razvoju, što uključuje prijeko potrebni razvoj sektora malih preduzeća u Bosni i Hercegovini uz zaštitu i stvaranje radnih mjesta.”*

“Naša posvećenost poslovanju veoma malih i malih preduzeća, koja cijene stabilnog bankarskog partnera, ostaje jaka kao i do sada. Stoga ćemo nastaviti kontinuirano i odgovorno davati zajmove u godinama koje dolaze. Ovaj kreditni instrument će dodatno pojačati naše napore da pružimo podršku poslovnim klijentima u zemlji,” kazao je Edin Hrnjica, direktor ProCredit Bank.

Od početka rada u Bosni i Hercegovini 2005. godine, EFSE je investirao 265 miliona eura u razvojno finansiranje veoma malih i malih preduzeća i domaćinstava putem 18 partnerskih kreditnih institucija. Ove komercijalne banke, leasing društva i mikrofinansijske institucije pomažu poduzetnicima u započinjanju ili proširenju poslovnih djelatnosti te domaćinstvima u unapređenju svojih kućanstava.

Sveukupno, EFSE je dao više od 1,1 milijardu eura 78 partnerskih kreditnih institucija za kontinuirano kreditiranje malih MSE (mikro i malih preduzeća) i domaćinstava u ciljanoj regiji, te je u tom procesu pružio podršku za odobravanje oko 337.400 zajmova za MSE (mikro i mala preduzeća) i zajmova za domaćinstva u ukupnom iznosu 2,1 milijarde do 30. septembra 2012.

O Evropskom fondu za Jugoistočnu Evropu

Cilj Evropskog fonda za Jugoistočnu Evropu (EFSE) je unaprijediti ekonomski razvoj i prosperitet u Albaniji, Armeniji, Azerbejdžanu, Bjelorusiji, Bosni i Hercegovini, Bugarskoj, Hrvatskoj, Bivšoj Jugoslovenskoj Republici Makedoniji, Gruziji, Kosovu, Moldaviji, Crnoj Gori, Rumuniji, Srbiji, Turskoj i Ukrajini. EFSE je usmjeren na pružanje podrške lokalnom finansijskom sektoru u smislu jačanja njihove sposobnosti kako bi osigurali odgovarajuće i održivo finansiranje za mikro i mala preduzeća (MSE) kao i za privatna domaćinstva u obliku zajmova za unapređenje uvjeta u domaćinstvu. Finansijska sredstva koja EFSE osigurava daju se lokalnim klijentima putem lokalnih partnerskih kreditnih institucija. Pored finansijskih sredstava, EFSE partnerskim kreditnim institucijama pruža tehničku pomoć, konsultacije i usluge edukacije kako bi se izgradili operativni kapaciteti i profesionalno upravljanje. Osnovan od strane KfW-a (Njemačke razvojne banke) 2005. godine, EFSE je prvo javno-privatno partnerstvo ove vrste i prvi fond razvojnog finansiranja sa privatnim upravljanjem. Kapital je osiguralo Njemačko savezno ministarstvo za ekonomsku saradnju i razvoj (BMZ), Evropska komisija (EC), Vlada Albanije, Kreditna podrška za mala i srednja preduzeća CJSC (SMBCS), podružnica Centralne banke Armenije, Razvojna banka Austrije (Oesterreichische Entwicklungsbank - OeEB), Švicarska agencija za razvoj i saradnju, Danska međunarodna razvojna agencija (Danida), KfW, IFC, Nizozemska finansijska kompanija (FMO), Evropska banka za obnovu i razvoj, Evropska investicijska banka i Sal. Oppenheim i Deutsche Bank. Oppenheim Asset Management Services S.à r.l iz Luxemboura, i Finance in Motion GmbH iz Njemačke su Fond menadžer i Fond savjetnik za EFSE.

Za više informacija o EFSE-u, molimo posjetite: <http://www.efse.lu>

O ProCredit Bank d.d. Sarajevo

ProCredit Bank d.d Sarajevo osnovana je oktobru 1997. godine kao Micro Enterprise Bank u saradnji međunarodnih investitora orijentiranih na razvoj. Dio je ProCredit grupacije, koju predvodi ProCredit Holding, sa sjedištem u Frankfurtu, Njemačka. ProCredit grupaciju čini 21 finansijska institucija koja pruža bankarske usluge u ekonomijama u tranziciji i zemljama u razvoju u Centralnoj Americi, Africi i Istočnoj Evropi. U okviru rada sa našim klijentima, usmjereni smo na veoma mala, mala i srednja preduzeća jer smo uvjereni da ova preduzeća stvaraju radna mjesta i daju značajan doprinos ekonomijama u kojima rade. Putem osiguranja jednostavnih i pristupačnih depozitnih instrumenata i drugih bankarskih usluga, te kroz ulaganje značajnih resursa u finansijsko obrazovanje, nastojimo promovirati kulturu štednje i odgovornosti koja može pomoći da se osigura veća stabilnost i sigurnost običnih domaćinstava.

Za više informacija o ProCredit Bank Bosna i Hercegovina, molimo posjetite: <http://www.procreditbank.ba>

Kontakti za medije

EFSE

EFSE Media Relations
E-mail: press@efse.lu

PCB BiH

Valentina Kovačić, koordinator za marketing
Telefon: 033 253 994